

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 234314 23 St  
Zenica, 27.1.2025. godine

Općinski sud u Zenici, stečajna sudija Samra Spahić-Drino, odlučujući o prijedlogu za provođenje stečajnog postupka nad stečajnim dužnikom Medicalfield d.o.o. Zenica, sa sjedištem na adresi Školska broj 10, Zenica, matični registarski broj subjekta upisa 43-01-1037-21, nakon ročišta održanog dana 19.11.2024. godine u prisustvu privremenog stečajnog upravnika Bojanović Gorana i zastupnika po zakonu stečajnog dužnika Naime Škapurović, van ročišta, dana 27.1.2025. godine donio je:

### R J E Š E N J E

Otvara se i zaključuje stečajni postupak nad stečajnim dužnikom Medicalfield d.o.o. Zenica, sa sjedištem na adresi Školska broj 10, Zenica, matični registarski broj subjekta upisa 43-01-1037-21, zbog nepostojanja imovine dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-1037-21, po pravomoćnosti ovoga rješenja.

### O b r a z l o ž e n j e

Prijedlogom od 31.8.2023. godine predlagač Medicalfield d.o.o. Zenica, sa sjedištem na adresi Školska broj 10, Zenica, podnio je ovom sudu prijedlog za otvaranje stečajnog postupka nad navedenim društvom, u kojem je navedeno da se prijedlog podnosi zbog nemogućnosti poslovanja, s obzirom da navedeno društvo nije dobilo saglasnost za obavljanje djelatnosti od nadležnog ministarstva.

Rješenjem ovog suda od 18.7.2024. godine pokrenut je prethodni postupak za utvrđivanje uvjeta za otvaranje stečajnog postupka nad navedenim društvom, te je radi utvrđivanja uvjeta za otvaranje stečajnog postupka nad ovim društvom za privremenog stečajnog upravnika imenovan Bojanović Goran iz Zenice.

Iz izvještaja privremenog stečajnog upravnika, koji je dostavljen sudu 29.08.2024. godine proizilazi da 4.7.2022. godine Federalna uprava za inspekcijske poslove Sarajevo donijela rješenje broj UP1-09-30-15-04453/2022-0902-4 kojim je zabranjen rad društvu, da je 21.12.2022. godine Federalno ministarstvo rada i socijalne politike donijelo Rješenje broj UPI03-30/12-375/22 EB kojim odbija zahtjev za izdavanje dozvole za obavljanje djelatnosti posredovanja u zapošljavanju privatnih agencija, da društvo ima otvoren jedan račun kod Raiffeisen bank d.d. Sarajevo koji nije ugašen, da je Porezna uprava FBiH, Kantonalni porezni ured u Zenici 22.9.2022. godine izdala Uvjerenje kojim potvrđuje da društvo nema obaveza, da nema obaveza po osnovu javnih prihoda i nema obaveza po osnovu doprinosa PIO/MIO, zdravstvo i nezaposlenost, a Uprava za indirektno oporezivanje 20.10.2022. godine Uvjerenje da nema dospjelih i neizmirenih obaveza po osnovu indirektnih poreza, ostalih prihoda i taksu, da zbog zabrane rada Federalnog ministarstva rada i socijalne politike nije obavljala djelatnost u 2023. godini, zatim da je prema Uvjerenju Porezne uprave FBiH KPU Zenica od 27.8.2024. godine društvo ima obaveza, po osnovu javnih prihoda u iznosu od 74.054,01 KM, da prema obavijesti Uprave za indirektno oporezivanje BiH po osnovu indirektnih poreza, ostalih prihoda i taksu duguje 15.473,17 KM, da je Porezne uprave FBiH KPU Zenica 16.3.2023. godine izdala Rješenje o pokretanju postupka prinudne naplate u iznosu od 33.900,00 KM. Zaključio je da čak i da sud vrednuje trenutak kada je zakonski zastupnik društva podnio prijedlog za pokretanje postupka likvidacije 17.3.2023. godine kao dan pokretanja postupka stečaja evidentno je da je samo prema Poreznoj upravi FBiH dug iznosio 35.595,20 KM, a nesporna je činjenica da počev od 1.1.2023. godine pa nadalje društvo nije obavljalo djelatnost zbog zabrane te zaključuje da organ za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti. Na dan 27.8.2024. godine društvo je imalo dug po osnovu javnih prihoda u visini od 74.054,01 KM. Što se tiče imovine naveo je da društvo nema vlastitih poslovnih prostora, nema nekretnina i vozila, da prema finansijskom izvještaju ima postrojenja i opremu koja se odnosi na PC računar i fiskalnu kasu čiji analitički iskaz na dan 16.3.2023. godine iznosi 1.970,40 KM, a da je na računu kod Raiffeisen bank na dan 6.4.2023.

godine zatečeno 19,75 KM. Dalje je naveo da u 2023. godini nije bilo prihoda, a da su rashodi iznosili 7.615,18 KM i odnos e se na plate, da nema finansijskih obaveza, garancija ili nepredviđenih izdataka koji nisu uključeni u bilans stanja, da su sve obaveze prispile i nema obaveza koje dospijevaju nakon više od 5 godina, da društvo nije izdavalo instrumente osiguranja za dugovanja, da nije bilo avansa i odobrenih kredita članovima uprave i nadzornih tijela, da je u društvu zaposlen samo jedan radnik, da nije bilo otkupa vlastitih dionica, te da nema sumnjivih i spornih potraživanja. Zaključio je da aktiva društva nema potencijal za podmirenje troškova stečajnog postupka, da nema nekretnina, motornih vozila ni sredstava na računu, da nije moguće unovčiti fiskalnu kasu s obzirom na zabranu rada izrečenu društvu, da ima obaveze prema Poreznoj upravi FBiH KPU Zenica i Upravi za indirektno oporezivanje BiH, koje ukupno iznose 89.527,18 KM, tako da obaveze nadmašuju vrijednost imovine i nema potencijala za pokriće troškova postupka. Privremeni stečajni upravnik je naveo da nema uslova za provođenje stečajnog postupka jer društvo nema imovine dovoljne za pokriće troškova stečajnog postupka, da nema uslova za nastavak poslovanja jer je društvu zabranjen rad i ne obavlja djelatnost počev od 1.1.2023. godine, da na računu firme nema sredstava, da je zbog nepostojanja sjedišta društva nekretnina vraćena zakupodovacu i zbog toga nije bio u mogućnosti izvršiti popis imovine, kao ni izvršiti uvid u poslovne knjige, jer iste nisu vođene od počev od 1.1.2023. godine, da zakonski zastupnik nije na vrijeme podnio prijedlog za pokretanje stečajnog postupka, odnosno u periodu od 60 dana od dana nastupanja platežne nesposobnosti, da na dan 27.8.2024. godine društvo ima dug prema Poreznoj upravi FBiH, KPU Zenica u iznosu od 74.054,01 KM, da na dan 8.8.2024. godine društvo ima dug prema Upravi za indirektno oporezivanje u iznosu od 15.473,17 KM, da nesporne obaveze društva na dan 28.08.2024. godine iznose 89.527,18 KM, tako da predlaže da se prijedlog za otvaranje stečajnog postupka odbije, a da se privredni subjekt briše iz evidencije privrednih subjekata Općinskog suda u Zenici.

Privremeni stečajni upravnik je na ročištu održanom 19.11.2024. godine izjavio da ostaje kod navoda iz izvještaja te je izjavio da privredno društvo Medicalfield d.o.o. Zenica ima obaveze prema Poreznoj upravi u visini od 74.054,01 KM, da duguje Upravi za indirektno oporezivanje iznos od 15.473,17 KM, tako da su nesporne obaveze stečajnog dužnika u iznosu od 89.527,18 KM, da firma nema stalnih sredstava, nekretnina, vozila, robe kao ni finansijskih sredstava na računu, ali postoje potraživanja prema kupcima u zemlju u iznosu od 9.232,00 KM, što može predstavljati potencijal za pokriće troškova stečajnog postupka, da postoje iznosi zaprimljenih i datih avansa u iznosu od 28.378,85 KM i primljenih avansa u iznosu od 66.517,32 KM, koji bi mogli biti izvor finansiranja pokrića troškova stečajnog postupka, odnosno potraživanja povjerilaca. Izjavio je da društvo Medicalfield d.o.o. Zenica, nema likvidnih sredstava za pokretanje sudskih postupaka ni za pokriće nužnih troškova stečajnog upravnika, tako da je predložio da sud pozove povjerioce da u roku koji odredi sud uplate predujam za pokriće troškova stečajnog postupka u cilju namirenja i realizacije navedenih potraživanja stečajnog dužnika, a da u suprotnom u koliko povjerioci ne budu saglasni sa prijedlogom da sud donese odluku o brisanju privrednog subjekta iz registra privrednih subjekata. Na upit suda privremeni stečajni upravnik izjavio je da je knjigovodstveno evidentirano da su zaprimljeni avansi u vrijednosti 66.517,32 KM, a da su dati avansi u visini od 28.378,85 KM, te da su ova sredstva razlike utrošena tako da na računu firme blagajne nema potencijalnih sredstava, nema likvidnih sredstava za podmirenje troškova stečajnog postupka, a da su obaveze u odnosu na potraživanja stečajnog dužnika prema kupcima veća i smatra da su se stekli uslovi za otvaranje stečajnog postupka, da ne postoji imovina u bilo kojem obliku koja bi bila likvidna i poslužila za pokriće troškova stečajnog postupka, te predlaže da se pozovu povjerioci da predujme sredstva kojim bi se pokrili troškovi postupka i aktivirali sudski postupci prema kupcima koji su evidentirani kao dužnici stečajnog postupka u iznosu od 5.000,00 KM za koji iznos smatra da bi bio dovoljan za pokretanje postupka. Zastupnica po zakonu predlagača izjavila je da je saglasna sa navodima privremenog stečajnog upravnika, izvještajem i da nema primjedbi, te da se ne može sjetiti svih detalja u vezi sa poslovanjem.

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije

BiH“, pozvati povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je, primjenom odredbe člana 102. stav 7. Zakona o stečaju, rješenjem od 22.11.2024. godine pozvao povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 22.11.2024. godine objavljeno je na oglasnoj tabli suda 26.11.2024. godine, na web stranici suda 27.11.2024. godine i u „Službenim novinama Federacije BiH“ broj: 96/24 od 4.12.2024. godine.

Kako stečajni dužnik ima obaveze, dok nema imovine prema izvještaju privremenog stečajnog upravnika ni za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

#### POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalmom sudu u Zenici putem ovog suda u tri primjerka.

Stečajni sudija

Samra Spahić-Drino, s.r.